


T 5466/4421(2)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
APR 29 1940



讀國朝年稿卷三

長餘稿

乙丑元日

好時李噴端蒼存

我不知快樂之日誰入報一年既去又來能一年

長歲萬丈不可量譬如風中之絮爐中煙今年已

升今三始我之生也一十七年於茲矣故撰係來

天機得管管任凡空亦盡德昔竹馬歸時心尚淡

何道往來世世皆遊閒成信不知幾歲石少時所

可謂之遊閒也

後圃編年稿卷三

盱眙李嶠瑞蒼存

焚餘稿

乙丑年

乙丑元旦放歌

是日立春

我不知扶桑之日誰人鞭一年既去又來催一年
長繩萬丈不可繫譬如風中之絮爐中煙今年乙
丑令三始我之生也二十七年於茲矣敝襖依然
未換棉駑駘但見空添齒憶昔竹馬騎時心尚孩
每逢佳節襟懷開邀朋就侶不知倦誠若少陵所
謂黃犢走復來百事蹉跎興非故歲華怕說頻番

哈佛大學漢和
圖書館珍藏印

度東風又到吹茅廬門前換却陳桃符少且壯何
易乎冰束梅蕊壺滿屠蘇椒花柏葉鬱壘神荼少
且壯何易乎入而謀諸婦出而問諸奴儂家老盆
有飯無神仙行裏無此塵骨徒富貴譜中無此薄
相夫一年之首敢自誣得飽足矣他不圖昨夜白
雪飛何大農家預爲豐年賀立春一日晴難求今
朝恰見日當頭也不必學漢宮綵勝翦飛燕也不
必問月令故事打土牛勾芒轉眼青浮隴準備典
衣買春種

郡城旅舍同成緘子夜話

世故艱從客裏諳數椽居似老僧龕肝腸落落千
秋事燈火昏昏一夜談牕外小紅梅吐舌月中新
綠柳拖鬢素心幸得他鄉聚市酒何妨濁也酣

緘子邀妓夜飲索予爲詩走筆戲贈

不堪岑寂度春光覓遍花叢似蝶忙才子疎狂天
上客美人輕澹內家妝詩敲銅鉢飛新藻酒索銀
瓶滴軟香記取師師獅子巷纏頭百樣在晁郎

濠上登莊子觀魚臺

莊生持論多談傀寓言十九襟懷開觀魚之事其
書雖自載吾不敢謂果曾濠上來水月鏡花文妙

用癡人之前難說夢有無是否渾疑猜築亭却曰
觀魚臺三千餘年傳不朽好事人都談在口春風
吹我乘興登抱膝臨流憶蒙叟叟乎叟乎天授哥
左右老聃排仲尼或以叟爲仁義之賊或以叟爲
性命之師或以叟爲欺世之士或以叟爲解脫之
姿出入主奴無定詞庸兒何足以知之我觀曠達
漆園吏胸中別有一天地南華諸篇且勿論卽一
觀魚有深意從來江湖之樂樂有餘所以戴笠老
翁常捕魚身當局外見更透爲漁又不如觀漁得
斯道者莊生也身非惠子誰知者我來臺上臨清

濠波紋萬疊聲滔滔釣艇乘流來往捷栩栩清風
飄幾葉飛鳥一羣水面來猶似當年夢中蝶

梅城山行

一肩行李重步步上參差積雨新晴日飛蟲出蟄
時石多支路曲山老得春遲愛惜疲驢力徒行過
不騎

送入蜀客

蠶叢何處是折柳贈君鞭險道逢人問空囊望友
憐瞿塘千尺水杜宇五更天酒到成都醉當壚卓
氏賢

憎鼠

貧家室不堅四壁無非土鑽穴易玲瓏窟隙多藏
鼠性黠肆跳梁種稠紛旁午成羣不畏人夜夜競
蹈舞或來自簷廊或下從梁柱或登几案奔或伏
牀簟處驅逐去復來連綿散還聚角時啼有聲暗
處行偏覩太倉粟盈盈如何棄弗取却來茅屋中
日耗盆盎黍麥飯遇之空蔬羹遇之腐罇酒遇之
歌燈油遇之茹書經嚙不完衣被殘難補囊破每
傷琴尾拋常失塵張湯効無效許邁符難拒食肉
方快心恨未如蘇武貍奴老衰矣諧和欲同乳行

止任縱橫出入少攔阻此輩勢益豪生長繁兒女
人居借作居人脯竊爲脯防閑一夕疎是物遭吞
吐每當就寢時百計藏盤簞山妻厭頻仍厨婢憎
煩苦鼠誠得計哉吾何術去汝始盛終當屠自視
毋如虎永州事已然子厚傳在古

春興四首

春光眼底耐人看節近清明一半闌社燕無巢先
舌利江梅有子已心酸酒因新釀多成醉衣爲餘
寒未試單衫喜小亭堪抱膝澹黃楊柳拂欄杆
準備青鞋踏野巖東風作惡日颯颯鳥爭噪似漁

陽鼓花亂飛如赤壁帆午榻夢回搔短髮春畦土
軟問長鏡陰沉天氣愁難遣賒酒親書券一函
墨作儒兵萬軸籤柴門寂寂似郎潛鴉喧清旦巢
千樹花落黃昏雨一簾屐齒到春忙杜牧風光着
筆累江淹蝶飛檢點添多少草長池塘綠甲尖
庭階客少碧苔畱點點青山屋兩頭日暖小池魚
潑刺風微深樹鳥軻軻吳中茶早僧求售江北蠶
遲女出游除却吟詩清澹課只將春睡避春愁

上巳道中

又到流觴節騎驢踏遠垌杏花村店白薺菜野田

青躑躅躋山徑迂迴過水汀敢希王逸少置酒在
蘭亭

題八駿圖

非子昂畫也而托
其名然畫實佳

世論畫馬不論神唯問圖繪伊何人丹青非出盛
名下筆補造化猶相嗔絹素但寫巨公號駑駘亦
是真麒麟阿誰所作八駿圖圖中八駿天下無一
馬前行一馬住一馬啗草一馬顧一馬仰天如欲
嘶一馬下山不畱步其餘二疋尤若生揚鬣搖尾
雙蹄輕旋毛在腹五花嫩清眸皎若金波明旁有
兩奴隨馬路禿衿小袖空拳露放馬往來不用韁

舉鞭鞭馬馬不怒兩奴控御八馬從八馬個儻兩
從雄墨光新燦歲當近姓氏却托趙魏公魏公筆
有麒麟風此圖意匠將母同傳神難博世人愛托
名此老羣推崇乃知世人之目厲莫比能使好手
不敢鳴其工

送春

日暄人倦骨如醺百舌消魂最嬾聞風信忽忽過
一瞬春光悄悄度三分柳條未擲牆頭絮花辦空
添水面紋多少好詩都欠賦今年真愧負東君

早夏金陵客舍

偶作金陵客清和四月天蝶依芳草戲鶯就綠楊
眠蘆笋充庖嫩鮓魚入網鮮酣吟弔供奉那計杖
頭錢

逆旅年來慣江城放客懷酒無孫楚醉詩對蔣山
佳芍藥香填檻枇杷熟上街六朝名勝在艇子戀
秦淮

過貴陽相故居

王師問罪近江濱宰相中書醉未聞復社怨深謀
汲汲揚州表到血紛紛金城舊險崇朝棄郿塢多
藏一炬焚賣國仍將身自賣奸雄兩字錯稱君

登報恩寺塔

石頭饒勝槩高塔尤首稱天遠不難近屹然開九
層我來當初夏日氣微炎烝背汗若雨浹足軟循
循升踞虎絕城峻蟠龍大江澄形勢閱千古百尺
欄杆凭白雲手可捉俯視人如蠅六朝競戰鬪三
國叢才能眼底俱陳蹟鍾山但峻嶒昨者 駕南
巡翠華駐金陵 宸衷繫疾苦原不爲覽登 御
書炳日月此寺恩獨承萬年方有道釋殿都修興
真人開宗旨虔恭起老僧攀躋不辭瘁夜夜然天
燈

鮓魚

四月江頭密網開鮮鱗打得上燕臺三千飛騎人
都避知是鮓魚一尾來

新如時果軟如酥光祿筵開北地無馬發江南三
日到誰言生處遠燕都

秣陵客舍有懷梵林上人

惠遠風流甚曾同社白蓮江頭重作客人別屢經
年水白楊花浪風輕燕子天詩成無可贈空想上
乘禪

喜晤杜于皇先生卽送之往廣陵

後園雜年稿卷三
別憶年時夢屢添江城覲面喜沾沾花存記室三
更筆雪蓋參軍兩頰髯弱柳當階鶯背滑新鱗入
膾笋肢甜觀濤又鼓揚州棹應向紅橋就酒帘

雨中渡江

天晴乘早發雷電忽生嗔山雨橫攔路江船滿載
人難求卜子蓋空折郭公巾岸上誰家樹迷離看
不真

乙丑誕日緘子菊村見過以詩爲祝卽席

賦答

浮生怕說是懸弧馬齒空添愧有軀近況已知非

舊日好朋猶肯問狂夫酒因軟美老成醉詩爲粗
豪尚不枯話倚綠燈忘就枕一天快雨濕花鬚

悼馬

支遁學道人大類王武子愛馬如愛珠神駿謂可
喜我生山野姿致遠依長耳或者跨黃犢挂角讀
漢史世上有驂騑那得黃金市昔歲買一駒雖然
不千里骨勁耳批風醇善無其比控縱隨韁轡馳
驅不用箠青芻朝一筐烏豆夜一筵腐儒取調良
乘之有年矣如何當炎天不食三日死出門一步
難足痛從茲始顧視槽櫪空安能弗悲爾馬乎如

後園編年稿卷三
有神還歸渥洼水

池上

一池流可愛獨立易生憐乳燕輕如豆新荷小似
錢魚依萍葉戲龜上柳根眠詩是閒人事吟成在
水邊

寄陳無疆伊水都下

車服梁家北路鮮聞君兄弟兩翩翩名非軾轍登
科日遇是機雲入洛年月影斷鴻燕市邸風聲落
木薊門天淮干舊雨顏唐甚樽酒何時共榻眠

戚笑門先生游都下歸別五年矣過無悶

園訪之卽呈長句

無悶園溪之濱中有詩人稀四鄰家徒壁立不覺
貧只是耽吟無點塵朝吟吟得動天地暮吟吟得
驚鬼神白眼茫茫少人顧青衫抖擻燕臺路懷中
刺在不輕投橐底金空惟賣賦賦就班張欲比肩
飛鳴字字在巴箋司成好士常虛席少宰風流推
上客共說文瀾怒似湍都言筆穎尖如戟京華酒
樓高極天京華酒味清抵泉杖頭有錢榻有主供
着先生醉五年燕雀青雲心不羨馬卿車騎遨遊
倦與朋謀曰久非宜與奴計曰歸爲善鱸情尊夢

後園雜詩卷三
九
起張翰不待秋風渡桑乾好句攜來還故里才名
畱得在長安我與先生疎促膝指屈千有八百日
消息中間豈不傳相思那是書能悉灑西忽歸葺
草堂天教我輩聚一方殘暑雖去猶未涼稻花壓
隴臨水香山行澗行驢不韁入門就座喜欲狂先
生胸底學益昌先生頭上髮未霜白酒黃雞畱信
宿小厨炊是新登穀崇朝晤慰終年思一夜談勝
十載讀無悶園溪之濱慰魚鳥安松筠殘書無恙
酒益醇歸去來兮作主人伏波父執余來此迎無
煩倒中郎屣捐除苛禮好重過脫畧請從今日始

輓鄒惕菴給諫

夕郎才望重朝端獬廌風清柱後冠抗疏曾論天
下事歸田不作相門官節高西府如唐介家在東
山似謝安崇起白雞人奄逝秋風淚眼望湖干

河上早發

月在人先起河橋趁早行聞雞猶隱約認路不分
明衣敝侵朝氣驢疲怯遠程欲投茅店飯烟火未
曾生

雨中宿查家渡

道路非能事衣冠是腐儒馬頭冰歷落人面雨糝

糊水近烹魚便砂多煮飯粗睡非酣不可問有酒
沽無

夜飲丹壑太史宅同笑門蕭仞分賦

百尺龍門許客窺開樽正是小春時才非王勃登
滕閣醉比山公在習池燭影不辭挑永漏菊花猶
自守殘籬分題自詫渾身膽供奉前頭敢作詩

稻香樓歌呈丹壑太史

稻香樓城西頭林簇簇途幽幽巍然百尺今幾秋
稻孫之後稻香立峙若靈光供客遊我來正是初
冬節天氣雖寒寒未烈虛白思將隻手拿混茫直

與雙眸接晴嵐雨靄列如幢疊疊層層總入牕飛

鴈幾行過大蜀名山輕舟千點下長江樓開弘麗江

南北畫棟朱欄三十六蔓草平原變冶場荒榛斷

隴更華屋樓旁老翁頭似霜自言眼見當時築昔

栽童樹漸成圍風流創始龔宗伯宗伯當朝全盛

年介弟豪華不計錢鑿山地脉穿無數負土人工

竭幾千夫人多智兼多嫵生本若耶溪上女春朝

載酒爲看花夏月移妝因避暑避暑看花十載餘

天教樓更從新主主得英英好事仙當代文章太

史遷夢後草詞騰彩筆夜中歸院引金蓮雞壇力

主風騷政寰區子墨都奔命小臺暗沼總無塵細
草幽花皆得詠層梯上嵌碧雲高人人重賀此樓
遭只須王粲流連入不訝陳登意氣豪予雖狂生
恨生也晚識豈墟拘游則脚縮遼東豕頭井底蛙
眼名勝之區十未一覽登斯樓欲提壺杖頭有錢
買醇酎玉山頽倒無須扶登斯樓欲覓句望中有
景闢胸懷錦囊怪麗時相遇金谷蘭亭廢不傳崢
嶸榱桷峙江天吟且醉然不然倚長檻詢青蓮

包孝肅祠

在合肥縣之南門外河水中按宋史公自言無子今居祠畔者皆姓包氏云公後人得母俱疑裔耶祠多額碣語悉荒鄙可噓公一笑比黃河清諸公所爲恃公必不嘖也

城南古祠在地僻淨無塵浩淼波千疊方嚴宋一
人姓名樵牧說香火子孫貧碑碣紛然立諸公恃
不嘖

高唐驛早發

雞唱征人起殘燈尚有光馬離茅店路頭冷帽簷
霜危懼過橋板模糊見鴈行命多奔走債不敢恨
羊腸

見鴈

天空秋萬里磊落鴈飛初那有人思我相逢不索
書

全椒山行

石磴危難上迂迴徑最幽有僧逢寺口說虎在山
頭雨到天先晦霜恬葉不秋欲從人境歇何處店
堪投

只行烟靄內山盡又山迎漠漠日無色颼颼風有
聲地毛空野燒樹腹室山精路險疲驢倦趁趁進
一程

游瑯琊山

我生無所愛酷愛看山光但聞名勝地神色爲飛
揚常誦居士文夢在滁之陽幾年懷未遂忽忽若

有亡手蠟阮孚屐肩挑李賀囊秋風引高興直登
飛鳥行重山如高士狎山如冶娼望山如望歲入
山如入鄉廢事戀清境人或嗔癡狂豈知一片石
自足使情長

近北山多豪近南山多嫵瑯琊徑最幽秀折非塵
土路轉而峯迴誠若歐公語石氣潤生嵐天晴也
如雨危巔峻插雲人言中有虎疑似不敢前樵夫
一聲斧山腹銜精藍椽題年最古衲衣偃僂僧鐵
榦侏儒樹我來當清晨徘徊過日午借筆先畱題
不煩後來補

看山不厭再況是入眼初見所未曾見快意當何
如平生羈牖下蛙在井底居褰裳忽到此譬若得
異書流覽不及盡會心偏有餘我非謝客兒丘壑
癖難除一磴又一磴步步登崎嶇脚忘經樹歇眼
喜臨高舒狂欲捉飛鳥憊寧騎蹇驢佞山不爲詔
山乎其鑒諸

永叔來滁陽當年有官事腰懸刺史綬心有幽人
致豐樂與醉翁尚且畱文字況我孤旅人漂泊身
如寄何山不可登何寺不可憇秋光方蕭條木葉
飛天際鴈啼得楚音獸聚知豺祭石洞窅然深經

過如隔世若得三間椽吾便爲家計但恐日搜竒
多被山靈忌

豐樂亭

衣上晴嵐映高天晚蔚藍秋光來眼底風景近江
南老柏樵還盛清泉試果甘歐公當日事道士也
能談

俚體 并序

情最真事最實景最近亦猶白氏之放言云爾故
曰俚體

王家舊物只青瑣土屋相依幾度年菱芡秋登常

後園雜詩卷三
作飯蟹螯市買不多錢疎籬細雨花三徑冷月微
雲鴈一天布襖芒屨安穩地心閒容枕樹根眠
秋光瑟瑟老荒村吾道還因用拙存杜詩用拙存吾道問字
絕無人載酒催租時有吏呼門瓦鐺僧寄江心水
竹桁童收犢鼻禪霜葉正飛斜日暮亂鴉歸處月
黃昏

生平失計走窮途白水真人不好儒耐事心酸如
枳橘忍飢腹空似葫蘆三書嬾把昌黎筆九尺徒
長曼倩軀懷刺怕投唯閉戶公誠長者恕儂愚
破帽蒙頭坐短檐三蕉飲量酒須甜關中狗尾多

羞續匣底魚腸挫尚尖書在有城如李謚筆枯無
夢似江淹此生自斷天難問不成就成都卜肆占

鷓鴣棲敢恨枝低蟲裏蛻蝦合在泥自署一銜爲
長物天生雙手僅扶犁詩無能解香山婢春有同
操德曜妻休笑書生慳食籍山厨百甕富黃蘗

丹黃鴨脚下亭臯不用悲秋更讀騷入世未消雙
白眼傳家空守一青袍閑居作賦安仁拙乞食敲
門靖節高且莫苦憂囊似洗牀頭方便置霜醪

蝸角微名性未諳前身意是老瞿曇長卿那作梁
園客文舉終稱魯國男絳葉秋深飛瑟瑟黃蜂午

暖戲酣酣門前若有人相問只說嵇康七不堪
一冠着破不思更梅福家居欲變名聊向山中消
歲月豈從日者問生平橘多實用當奴使鷗少深
交作友盟原與孔方無半面誤人敢咎楮先生
籍隸樵漁欲備員此身終日嬾於雲鄒枚自古皆
無命灌絳從來不好文但有紫卿堪作友偶逢青
士卽呼君賦成敢作題橋想狗監憐才事僅聞
休文多病藥扶身只是吟詩畧有神萬事蹉跎空
甲子十年萋斐聽庚申秋聲悲壯歸疎樹鴈影孤
高灑澹旻頗有好懷思一發眼前可吐是何人

賽神曲

野祠敞晴晝遠農來在前近農行踵後人烟聚秋
賽小巫立門邊大巫入門內去年旱魃崇西成今
年雨足萬物生神功不酬居不寧澆滴神酒割神
牲吹洞簫擊土鼓烏烏歌蹲蹲舞羅拜成行合男
女夕陽醉飽歸途語不愁無粟輸官府

不寐

天空處處起秋聲病後神疲夢易驚夜永似年依
一枕月明如晝過三更蛩離草露窺深牖鼠竊燈
油上短檠顛倒披衣聊起坐口乾還自覓茶鐺

殘菊

風雨連朝數殘花
傍短檐久稀人
載酒猶引蝶窺
簾藥似因寒瘦
香翻到老添衰
枯終不落多為
戀
陶潛

歷下張鍊師客游江淮嘗與僕有修煉之
約頃過所居而鍊師已他往有懷其人書
此於壁

游戲人間世
逍遙羽客羣
可仙嘗許我
學道未從
君丹竈稀餘
火青牛去老
雲重來緱嶺
上子晉鶴
無聞

衣上雲嵐滿
何方更結廬
入山羹是石
行路紙爲
驢細雨鴻聲
斷秋風木葉
疎幾時重執
手謝事講
方書

大水行

黃河勢勝凌清淮
十月大水滔滔來
築石作堤阻
不得商羊跳舞
波濤開捲天
白浪吞平陸
萬壘蒼
茫齊入屋
壁社湖田變
渤溟牛羊宿
處飛鳧鷺
我聞昔時太公
令灌壇河伯
娶婦不敢干
眼底如何
無砥柱老蛟一
出生狂瀾稻梁
飄蕩如飛雪
人各無家舟欲
裂天子豈不憐
蒼生或者司空
別有

說蘆枯菝死風颼颼相逢何事啼啾啾君不見水頭十丈平泗州魚蛇都上城樓游

夜飲馬蘅原學博齋中同成緘子

短燭光沉夜欲闌扶風署裏酒頻乾論文不敢當名士好客何嘗似冷官梅放小紅霜一片竹搖疎綠月千竿談深容易成酣醉面上嚴風不覺寒

乙丑冬日棠邑葉懋公枉過山莊讀書兩

月於其行也得五言律四首前三篇皆以

為贈末章則折柳之意也

正則才如虎

葉適字正則南宋間人也

江東早得名青衫千古屈白

首一經明牛耳尊前輩雞羣讓後生道高身且退

只向硯田耕

老來成碩果當代典型身能說弘光事曾為復社人肝腸明似雪詩句速如神裘馬憑諸子蒙頭舊布巾

學探濂洛旨兄弟總儒宗書必行他日

懋公深性命之學日與其弟函

公憲副取宋大儒書反覆參究所著有心學宗元

人誰識此翁深醇窺董子教授

近胡公負郭無三畝何曾怨困窮

一榻設山樓忘形兩月畱原因耽鄴架不比客荆州酌酒辭元禮迴舟去子猷天寒歸路遠風雨故

人愁

宿田家

細雨天深黑鞭驢叩野莊歲豐炊有粟人倦寢無
牀雞宿茆簷上蛩啼土竈旁布衾棉苦薄冷透五
更霜

贈山中老人

世事紛紛耳不聞山中終日對閒雲人間詎少聰
明客誰占便宜地似君
只課兒孫力種田市城爭奪總茫然問公長厚何
如此生在前朝萬曆年

欲雪

小梅破綻點寒津風色蕭疎雨色勻詩不喜吟真
是嬾酒猶能買未爲貧遠天似夢唯過鴈老屋如
冰不暖人閑比袁安應早卧土爐楮火方新

後園編年稿卷四

盱眙李嶧瑞蒼存

焚餘稿 丙寅年

立春日雪

霏霏雪片蝕斜陽
栗烈寒仍入草堂
酒在有時開
醉境花稀無處得
春光疎簾破碎通
風易小雀張
皇覓食忙
嬾是性成多
晝睡休
啗人似土牛僵

試燈夕雨

日澹春風漸破冰
梅花早覺放層層
一天只有堪
聽雨四壁都無可
挂燈吟倚竹簾清
似鶴坐依土

牖靜如僧老盆未闕新筍酒遮莫淳于醉十升

鍾山老人歌追弔黃九烟先生

黃九烟先生諱周星上元人舉前明庚辰制科鼎
革後遂不仕僑居茗雪之間以詩古文辭自娛海
內識與不識莫不高其節而慕之余嘗識之白門
往還頗數別五年而先生捐館舍暇日緡故篋得
其遺集不勝中郎虎賁之感乃作鍾山老人歌一
篇追弔之云

鍾山老人人才如龍平生高調無人同文章落落滿
天下姓氏錚錚傳域中少年筆得生花夢蹄裏麒

麟羽裏鳳七澤烟波世業更三山雲霧家山痛先生之父

舉先生時苦家貧楚人周氏者官南中求先生為之後先生幼不知也登第後得其本末始具疏請於朝復其姓金門射策

壓羣英第二人將榜勒名却遇相公排異士不教

天子獲門生先生廷對擬一甲第二人時宰忌之改二甲骨節珊珊塵少浣一

官蕭散陪京卧刁斗喧天賊焰來明家運盡燕都

破朝周玉馬衆如鱗義士西山獨愴神未持屬國

當時節却剩文山此日身冬一殘裘夏一葛萬死

餘生刀口活著書牖下重名山乞食人間甘托鉢

奕奕詞鋒老更妍自言泣鬼且驚天主張風雅三

千首壇坫東南四十年紛紛餘子稀推轂才奇呂

五兼戚六

先生性少許可唯於呂五戚六則稱歎不容口嘗為作詩才吟一篇呂謂石門呂雷良用晦戚即笑門先生理也

呂五修文白玉樓戚六教授金臺塾流水桃花穩

避秦燒丹採藥訪仙真

先生晚節學方士術

心非烟火林中客

氣是蓬萊頂上人我昔金陵稀剝啄典型獨造先

生幄百尺高樓笑語豪三更好月追隨數鬚眉古

道照人明白眼何曾對客更雄談不讓高常侍苛

禮寧羈阮步兵別後五番易寒暑聞作遮須國中

主南潯彷彿汨羅江靈均又見沉端午

先生之卒於水亦以五月五日

南潯先生自沉處

茗雲蒼茫萬里雲欲從翦紙弔孤墳素車

難發空傷我黃土長埋遠哭君篋底遺編存未缺

一披一歎情悲咽尺箋掃去萬重塵巨浪全歸三

寸舌把卷徬徨不忍拋全鋤白葦并黃茅太玄異

日尊楊子貞曜誰人謚孟郊吳山越水鯨騎去賦

就招魂魄曷據伯道孤兒阿那邊中郎舊宅知何

處夏為堂在奪曹劉

先生集曰夏為堂

颯颯冰霜滿紙秋可

憐前輩風流盡只有才名萬古留

自花朝後旬餘風雨不出寒食前二日始

晴余遂與客飲杏花下

康樂愁霖賦安仁苦雨吟無端教足裹不覺已春

深日曝尋詩路天知載酒心杏花開莫後念爾到

如今

清明

春風纔過禁烟期又到龐公上塚時燕子老巢泥
索索杏花小巷雨絲絲水塘乍漲蛙爭聒紙鏹齊
焚鬼不知酒熟頗生和仲興南溪欲改樂天詩

失僕

家貧僮僕棄不告遠離羣杜亮非忘主蕭公媿少
文司門馴鶴在埽地曉風勤永日探書坐原無事
用君

讀林和靖集四首

風流湖上老詩仙梅鶴傳家八百年不用畫圖尋

勝蹟

真宗召和靖不起嘗命
畫工圖其所居以上

只須細讀舊吟編

骨帶烟霞氣帶雲西湖宅畔以仙聞蓬萊何代無
人上幾箇神仙句似君

羞從明逸共朝班封禪無書只愛閑莫道先生稀
事業一生經濟在孤山

郭索輟輟句恨遺

和靖有詩云草泥行郭索雲木
叫輟輟為時傳誦今集不載

左司神骨

右丞脾愁來無物堪消遣但仗杭州處士詩

暮春閑居感興十首

單衣初試暖彈指度春光老鴈歸猶語餘花病不

香雨沾榆莢軟風餞柳毬狂閉戶尋何事羲皇夢
一牀

最是沉淪穩牆東避世居
鞦韆高樹鳥潑刺小溪
魚架上琴時拂牕前草畧除名
微人共棄不用絕
交書

體認蒼天旨蹉跎敢暗嗔
有詩驚瘧鬼無術媚錢
神乍齊魚嬉日將雛燕
近人逢迎莫訝少子美嬾
原真

適俗信非易藏頭居一村
雞飛任上屋犬卧聽當
門紙牖蜂鑽破清池鶴攪
渾胸懷少城府憂去不

關萱

水面落紅聚空亭都似秋
未風孤月暈將雨一鳩
愁籍隸壺中地家移岸上
舟牀頭漢書在不禁跨
黃牛

蝸廬徒壁立日午未炊烟
客筭棋圖勝僧醫竹病
痊人疑中散傲我愛右丞
賢松下跣趺坐清齋正
得禪

徙倚曲欄外春山濃綠加
笙簧萬樹烏鼓吹一塘
蛙婢曝調成藥僮澆接過
花老鐺蓄新水煎得雨
前茶

千謁人人巧迂疎獨未諳不堪何止七被黜已過
三稼穡書常讀齏鹽味頗甘往還踪跡絕雙燕顧
茅菴

牛馬任人呼乾坤七尺孤命難詢日者論且著潛
夫痛醉彈長鈇高歌擊唾壺東方飢欲死那敢羨
侏儒

勅作禽魚主深恩出碧翁酒空未易貫詩就敢言
工蝶陣斜陽裏鶯聲細雨中可憐落花盡春事又
成空

慈慧菴贈野森上人

石磴層層響澗潭白雲深處老瞿曇三千里外披
孤衲五十年來卧一龕筆許常揮雄劍勢上人善書能於蒼巖
中出天教不聽世人談近日空門退是英雄路老
奇怪病龍鍾白髮鬢

試新茗

雨前新茗到最適野人懷僻地來雖晏開包味絕
佳澹香生瓦缶活水蓄茅齋試飽披衣立徘徊在
小堦

夏夜露坐次于行韻

夜天暑退氣差清亂竹梢頭月正明風逼燈微螢

有焰人行草響蚓無聲茗多香色杯杯盡詩少心
思字字平小婢尚能搖羽扇終宵不惱鄭康成
稻花香出雨餘清雲去天空覺眼明一派可憐新
月色十分無賴亂蛙聲小溪水漲泉根響深院風
稀樹頂平蚊陣如雷喧紙帳神魂雖倦夢難成

弔石莊上人

風流推慧遠世外素心交愛酒生爲癖耽詩老不
拋袈裟歸冷塔松檜掩荒郊月下門猶在何人手
更敲

送馬蘅原外翰遷宰印江

季長絳帳幾年留黃綬懸來刺小舟雲夢澤邊消
剩暑牂牁江上過高秋簿書鞅掌勞仙吏風俗傳
聞問土酋太白一行因作例才人又見夜郎游

濠上夜坐感舊寄懷絨子

天高月上夜蒼蒼客裏懷君嬾就牀妙筆清詞才
調集舞衫歌扇狹斜場燈前掩袖人猶在花下藏
鈎事未忘水漲藍橋前日渡雲英脣啓問裴航

德政碑

德政碑德政碑巍然竦峙官道陞一碑未久一碑
起勒功紀績懸纍纍問碑底事年年立後先成例

如相襲披荆翦棘開康莊絕似浮圖高幾級城中
有人稱老儒白雪滿頭霜滿鬚兩眸雖識無多字
舌本由來善貢諛盜空三日未曾食倚杖無言神
默塞忽聞叩門人乞文袖底納金喜顏色弄筆抽
思旦及昏多言爲貴不辭繁過情那計名非實得
意還將腹自捫信如所謂循良聚世盡昇平在指
顧滿街都是郭細侯到處無非廉叔度諂風佞俗
日暄闐碑與生祠禁在先功令不憂躬觸犯愛棠
似是使君賢如何官去今朝始明日逢人皆切齒
碑前墮淚寂無聞名姓仍遭瓦礫毀乃知世態本

離竒萬口僉同也可疑豈唯近事不足據汗青千
古類如茲好醜賢姦無定相褒譏安見人人當魏
收掩飾爾朱榮陳壽詆訶諸葛亮德政碑德政碑
絡繹當塗是阿誰空將柯斧戕山骨石若有知應
自悲千載無慚說羊杜峴山襄陽誰接武銀鈎鐵
畫能幾時磨作豪家梁下柱

送王荇友學博遷邵陽令之官

先生不愛官聊借鱣堂食秉鐸來淮濱署在魚蛇
域邑敝士風衰目擊爲太息教之以詩書講論無
倦色苜蓿三數年稍化先生德公論未盡消名氏

聞中朝除書昨日下午墨綬高懸腰洞庭水浩淼衡
嶽峯岩崑囊無一錢蓄行李輕蕭蕭鼓棹欲長發
諸生挽征橈或曰龐士元百里非宜牧善事上官
難何樂親錢穀豈知長者才斯人方待育能吏者
貪人久教一路哭秋風開小舟行矣邵陽福

上督學吉水公

漢廷偃武正時雍 帝簡詞臣出禁宮八代文章
韓吏部一門桃李狄梁公家聲奕葉尊當世士氣
崢嶸變古風冰鑑兩江碑載口竚看前席九重中

題澹持上人房

高僧天賜福水窟結精廬徑長蕭疎竹園收潔淨
蔬鉢頭無宿米架上有儒書肯借蒲團卧松風一
枕虛

宿田家

湖田在湖中八月新稻熟烟波混茫茫堤邊有茅
屋我來收秋光夜就田家宿竹榻短於身就眠如
入匱瓦檠焰依微草蟲鳴反復聳肩坐擁衾落月
過林速

小婦汲井水大婦辦茶湯雖然欠華侈頗亦無穢
荒老農又解事攜酒就人牀數杯不覺醉頽然語

荒唐曰公勿拘束田家禮法忘此語殊可聽為之
加一觴

蓬門風屢開扣用老農杖湖天不甚涼避蚊無紙
帳就枕還復醒漁火牕隙亮撼壁枯棹聲沿堤蘆
葦浪雞柵在簷邊五更三兩唱飢鼠不畏人羣來
燈檠上

論詩示舍弟四首

言言創獲自生香屈宋劉曹莫借糧不襲前人詞
半字天將為汝換肝腸

波瀾格律老難成客氣張皇害不輕萬卷破時神

在筆休疑子美論平平

牛溲馬渤總成詩明白無竒是至竒老婢解來方
不朽樂天死後少人知

自古詩禪總一燈參過曹洞上乘登心思正在無
詩處詩是工夫後一層

山寺

亂峯天際立小寺最崎嶇秋草門無路山僧面有
鬚竹搖禪榻冷藤抱老松枯日午呼齋飯鐘聲起
殿隅

冬日句曲道中

後園編年稿卷四
殘裘風不厲一路似春和小店敲門歇危橋下馬
過日晴僧曝衲歲近鵲成窠處處青旗挂江醪味
若何

丹陽道中

老天釀雪四邊黑河淺見底水無色北風凜冽吹
倒人一葉小舟開不得我爲蠅頭蝸角來到此茫
茫百念灰無可奈何且須進蒲帆十尺懸高桅長
年拏柁身輕利前去腥逢一羣鸕吳女弄篙真似
鍼船頭船尾猶平地我生陸居不慣舟舟上鞠躬
難自由矜持竟日不仰面誤一直腰板打頭開牕

兩岸聊凝目處處人家都種竹季子祠傍有酒沽
不知可得常州宿

常州城下夜泊

河流百折浪層層傍郭停帆夜一燈客語橋頭猶
市酒漁歸月下不收罾身單更耐啼孤鴈艇破偏
聞觸斷冰癡絕詩人真好事聳肩忍凍弔延陵

毘陵卽事

河流瑟瑟鴈翩翩季札祠邊慢扣舷舟子口多吳
地語酒家帘署惠山泉侏儒岸上空心樹潑刺罾
中大首鱧早起正須炊果腹江南米賤不多錢

後圃集年稿卷四
十一
登君山弔春申君

春申已死不復活春申名姓人猶說我爲君來登
君山但見茫茫半江雪好事游山客似鱗不是門
前珠履人當年有客君求食今日求君食不得客
日益多君日稀君若再生客飽德但愁得君客有
顏容又借君傲人間人間受傲不必道渠若得君
也人傲養士三千信曠聞中間最首李園勲手操
全楚都何用山色千年尚屬君

江陰李忠毅公祠

明衰政不綱羣小紛旁午朝事日內訌譬若木遭

蠱天厭欲亡之特令生庸主太阿付左璫一人中
守府青衣灑埽奴忽然羊變虎手操生殺權外結
爪牙輔南樂狐搖尾薊州鼠曳羽白晝扇陰風更
如舟得艣羅織大開張清流無葬土片紙起風波
薦紳孰敢侮英英侍御公忠肝邁千古待君不桓
靈忍自聽節甫犯顏挺上書原忘計砧斧但求主
聽聰去却宮闈豎事卽不能成不過爲蕃武叩頭
叫九閻良藥口尤苦可憐天地昏傾軋成門戶天
子好門生旨唯國老取曰此何許臣觸趙母張父
緹騎叱臨門纍囚甘就釜諸兒承嚴命鍛鍊無完

後圃編年稿卷四
股心從日月丹骨向圜圉腐至今八十年往事成
榛莽我來拜公祠生氣猶如覩乾坤付滄桑楊左
存儕伍三案有定評羣克竟何補

澄江別俞扶九

時余與扶九皆居憂同以
督學吉水公檄客澄江

悲深風木兩人同又向江城作轉蓬君似康成歸
馬氏我如持正事韓公鴈飛淮浦連雲白楓隕吳
山染淚紅別去各將形自弔蓼莪篇讀可能終

奔牛晚泊

昏昏寒日落未落小舟不行臨岸泊篙工問客能
飲不此地酒佳應買酌船牕四面風颼颼今夜眠

須加敝裘丁寧細囑拏舵叟明朝早早過常州

毘陵送劉爾昌

才推庶子擅春華筆落時時有異葩季札祠邊舟
共艤呂蒙城下酒頻賒日暄水市疎梅放風急江
天小鴈斜楊子渡過淮岸接莫愁歸去路三叉

江邊老翁問答行

我行江頭登岸立襤褸衣裘風雨濕赤脚奴子疲
且癡肩上又擔書一笈岸上忽然逢老翁鬢髮如
雪顏如童自言行年九十五生在前明萬曆中蒼
皇見我形容醜佇立凝眸熟視久開口問余何許

來到此茫如喪家狗我聞翁問答從真僕是元時
丐上人只因紙上迂談誤常作天涯落魄身翁聞
我言撫掌笑足下自愚何必道人間底事不可為
獨覓秦皇坑路蹈記得當初授孔姬束髮猶為少
小兒禁林臺閣多名士曾見文章有用時足跡頗
遍江南陌江南舊事聞疇昔名通彤陛陳隱君價
重雞林董宗伯我朝定鼎政一新大僚多是八
旗人宰臣識得儒生賤散布纔如星向晨一家四
海臨中夏英流誰不思騰駕此輩邀恩何獨多云
佐章皇定天下黃金白玉聚如山馬駝車載去

三韓鑄功勒德碑當路士子懸河佞舌乾君今錯
作芸牕蠹一身便合蓬蒿住眼前豈少青雲梯不
是今生君上路我謂老翁且拍肩翁言雖然未盡
然只愁筆少生花夢莫道才華不值錢去年廷試
遼東客褒鄂兒孫喪魂魄或左或罷各紛紜 聖
明詔令勤圖籍 一人好尚見萌芽文學科中起
大家札逢司馬當須給袍得延清不惜加君不見
新城才子王詹事知遇特隆遷越次又不見崑山
詞伯徐侍郎 御試親提首玉堂路岐徒作楊朱
慟寒深飛雪侵衣縫我特文章不及人不是文章

今不重

舟次京口

客裏身如寄風霜歲逼除大江流北固小艇到南
徐霧重唯聞鴈冰堅不出魚人烟叢隔岸瓜步樹
扶疎

京口懷古

敗草寒原暮色荒佛狸城下正斜陽許張不復存

遺宅

謂許用晦
張承吉

金宋猶傳剩戰場霧蝕蒜峯僧出寺

潮侵瓜步鴈啼霜時平閑殺防江卒馬放營門卧
似羊

金山寺

江心生一寺不似在人間陸羽曾嘗水蘇公數宿
山名碑容榻得法豉可攜還詩讓張承吉畱題也
汗顏

渡楊子江

南天作旅人緣向舟船結歸夢過瓜洲榜人又就
列我昔渡楊子陽春三月節紫燕語依檣紅桃開
勝血沽酒酌船中衣棉微覺熱今來值歲暮北風
吹凜烈樹老葉無存冰行篙欲折天低水面浮鴈
遠空中滅脉脉坐中流光景都愁絕惟有白陵嶒

後圃雜年稿卷四
壯哉一江雪病眼閉猶酸殘裘寒比鐵帆行疾正
佳何爲若弗悅一事有餘情是與金山別

寒夜

雪後天高潔風微氣颯然正當寒似水不耐夜如
年牕漏玲瓏月爐燒楮烟一生吟是癖辛苦聳
詩肩

喜緘子至夜坐話舊分韻二首

衰柳門前繫短驂見君喜比見優曇學因嬾廢都
知悔交以貧疎各覺慚三月近書燈下憶十年往
事夢中談分題不改狂奴態醉後歌斜字似蠶

白飯黃雞辦野厨經年纔得一宵俱交情不許兒
曹識詩道猶須我輩扶月冷半天飛老鴈霜深滿
徑墮殘梧牆頭過酒新鐺沸豪壯何妨比灌夫

以高麗紙寄張酌孝前輩索書

箋來外國篋中儲好時桑根頗不如眼底歐虞家
法絕只推長史最能書

縱橫一幅色蒼然密密封題寄老仙醉後莫辭頭
濡墨高麗紙法厚如錢

偶成

避喧常習靜迂拙守蒿萊在世稱長物知天恕不

後園雜句卷四
才方書多舊錄野服是新裁嫌有門前路無端惹
客來

飲少劉伶癖仍沽酒半鉸破愁如下趙安枕似遷
邢泉石高三省歌謠當六經此身宜陋室壁上已
書銘

鷹捉雀

覓食田頭啄食雀蒼鷹盤空下來捉下來捉去飽
在喉可憐毛羽零如電鷹性貪殘羹雀肌叫日呼
風任所之鳳凰遠在丹山棲鸚鵡不言全不知金
眸巨爪非常虐傍有鴝鵒代相樂浮雲蔽天日無

光酷吏殺人休怪愕君不見鷹捉雀

寒夜對雪

一天好雪落黃昏滿地鋪平不見痕冷到二更尤
透骨深過三尺欲填門寂寥梅影支疎牖嗚咽鴻
聲隔遠村飛絮撒鹽休計較老盆新釀理須溫

行圖錄全卷之四

